

П а р т и й н б а г и н н и л ч ä р

Бригадт умшлгына гер муугьар кōдлджанä, малин фермд газет күргдж өглгн му, агитатормуд ирхш, — гисн үг Чапаевин нертä колхозин 2-ч комплексн бригадин колхозникүдäс дару-дарунь соньсдж болхми билä. Эн бригадт кино хятär үзүлдг билä, лекцс болн докладмуд кегдг уга бääсмн.

Эн бригадт партийн баг бүрдäгдäд джилäс äрвго давб. Түрүн болсн хург деер группаторгд үр Эрдниев Сангаджи-Гаря суньгыгдла.

Эн ахр цагин эргдд бригад оньгдардж одв. Äмтин түрүн болдж, äмтнд сургьмдж өгх, теднд кōдлмшän сäänär кехднь дөнъ-нөкд болх төрт партийн баг онц оньган өгч кōдлмшän делгрүлв.

Эн саамла бригадиг Дорджиев Николай — эдл-аху сäänär меддг күн гардджав. Болв, оln äмтнлä кōдлдж чадж бääсн уга, дегд модьрунар äмтнлä күүндäд, бийän сулар бäräд бääв. Эннь производствин кōдлмшт харшлтан хальдагыад бääв. Партийн баг, нег үлү терүнä партгруппорт үр Эрдниев энүнд дөнъ-нөкд болад, кōдлмшинь ясерулхар шиидв. Болв, үр Дорджиев парторгин болн колхозникүдин сүв-селвгиг учртан авл уга, нам бийän дорацулхар бääхд тоолв. Бригадин кōдлмш урдк кевтän му болад бääв.

Иигдж цааранднь кōдлдж болшго болв. Дорджиевиг бригадирäснь гаргыад, орчднь багы наста шунмгыа, тавшун кōдлмштä, КПСС-н членä кандидат үр Аников Очриг орулх селвгän партийн баг колхозин правленьд өгв. Колхозин правлень эн селвгиг зөвшärв.

Малин 11 хошта, 500 гар бод малта, 5 миньгы гар хөөтä, 4500 шовута бригадиг, коммунистрин дөнъ угагыар шин орсн, багы наста бригадир гарддж чадшго бääсмн.

МТФ-н кōдлмшт нег үлү оньган өгх кергтä болв. Энүнд саальчнр, малчнрнь күцц биш, дакад МТФ-н

заведующ үр Ковлеев муугьар кōдлджäv, эн фермд үкрас саадг үснь багы. Бригадин коммунистр эн фермиг кадрар батлхин төлä, комсомольцврин хург кев. Эн хургт союзн биш багычуд орлцв; коммунистр фермин бääдлин, кōдлмшинь тускар келдж өгцхäv.

Хургин хөөн, эн фермд оч кōдлнävдн, гидж Абушинова Галя, Апрышко Таисия болн нань чигн кесг багычуд оч кōдлх санагыан келцхäv. Шин улс ирснäs авн, фермин кōдлмш оньгдарв. Шидр эн коллектив кōдлмшинь аш диглв. 1959 джил үкр болгынас 2200 килограмм үс саадж авч. Эн, зурагыасн зөвар үлү болдж гарв. Укр болгынас 2100—2200 килограмм үс саадж авх болдж даалгьвр бий деерän авцхасн саальчнр — Г. Абушинова үкр болгынас 2500 килограмм үс, Т. Апрышко 2350 килограмм үс саадж авцхав.

Иим йилгыан сän кōдлмштä болхднь партийн багин дөнъгин нилч хальдв. Оln дундин политическ кōдлмш делгрүлджähин төлä, эн фермд коммунистр Саприн Алексей болн Кубурлинов Борис батлгдла, тегäd эдн саальчнр дундк социалистическ дөрлданä аш диглджäv, кен кедү үс саадж авчыхиг үзүлджäh бюллетень гаргыад, саагддж авгдджах үснä тоогьинь сäänär диглäd, саальчнрт газег умшдж өгäd, күр-күүндвр болн зäрмдän доклад чигн кегьад, нүр кōдлächнртнь вымпел болн мөрä өггдхиг йилгыцхäv.

Эн МТФ-н саалаьчнр 1960 джил, үкр болгынас 2300 килограмм үс саадж авх болдж бийдän даалгьвр авцхав. — Увл малин хот хятär болдг болв чигн, бийдän авсн даалгьвран күцäхдän ицджәнävдн, — гидж эдн герчлцхәнä.

Хө өсклгына кōдлмшär эн бригад бас темдгтä үзмджтä кōдлмш үзүлджәнä. Ах хөөч үр П. Безниско 100 хөн болгынас 117 хургь, ах хөөч үр С. Цуглинов 122 хургь, А. Химочкин

132 хургь авб. Эднä дамшлтиг партийн баг арднь ордж наадж хөөчнрт күргдж медүлджәнä.

Диилвр бийнь ирсн уга, энүт бärхин төлä партийн баг политическ кōдлмш сäänär делгрүлв. Бригадт, 14 күүнäs бүрдсн агитколлектив бäänä. Агитатор болгьн шишлнь участкст кōдлнä, эднä кōдлмшнь шүүдж хäläгднä.

Агитатормуд тасрхан угагыар колхозникүдт өдгä цагин бääдл цäйлгыад, күр-күүндвр кегьад, газет, журнал умшдж өгцхәнä. Эдн дунд нег үлү сäänär кōдлгнь — агитатормуд А. Сариева, Е. Лопырева болн нань чигн улс.

Бригадт дару-дарунь лекц болн доклад кегддг болв, кино үзүлгддг болв. Бригадт оln äмтнä дружин бүрдäгдв, эдн аля-азд йовдлла күчгä ноолда кенä.

Өдгä цагт бригадин өмн бääх төнь — дегд ик чнртä, малан сäänär үвлзүлх төр. Эн үвл малин хот хятär болдг болв чигн, цуг чидлän негтүлäd, бääсн эв-аргыая агсдж, малан үвлäs таргьн-цадхлнь авч гархдан ицджähиннь тускар колхозникүд иткүлдж келцхәнä.

Д. КАРАСЕВ.

КПСС-н Западн райкомин пропагандист.